

From
Synod Literature & Publication Board
Synod Office
Mission Vêng, Aizawl – 796 001
Mizoram



Vol. XLI No. 6 A man ₹1/-

NEWSLETTER

June 2026

LÂWRKHÂWM

COUNSELLING TRAINING

Family Guidance & Counselling Centre chuan May ni 12–19, 2026 khân Church Leaders' Pastoral Counselling Training vawi 42-na a buatsaih a. Hetah hian Pastor Bial pariat – Bûngtlâng S, Hmâwnghbu, Vaṭhuampui, Tuithumhnâr, Damdep, Dârlâk, Thaidawr leh Buhchangphai aṭangin kohhran aiawh mi 29 an tel.

PRESBYTERIAN CHOIR HLAN

Ni 14.5.2026 zân khân Synod Mission Centre, Lungleiah kum 2026–2028 chhûnga Presbyterian Choir member ruat tharte, Rev. H. Lalhmingmawia, Administrative Secretary-in ṭawngṭaiin Pathian hnênah a hlân. Presbyterian Choir hi SEC 214-nain kum 2017 khân a din a. Tûn ṭumah hian Lunglei khawpui chhûnga Pastor Bial pathum aṭangin member atân mipa 12 leh hmeichhia 12 ruat an ni.

EX-PRISON INMATES FOLLOW-UP

SPM chuan ni 23.5.2026 khân a vawi sarih nân Armed Vêng Kohhran Golden Jubilee Hall-ah Ex-Prison Inmates Follow-up Programme a buatsaih a; Pu Lalduhoma, Mizoram Chief Minister-in a hmanpui.

INRAWN KHAWM

Ni 27.5.2026 khân YRC, Falkland Vêng, Aizawlah Presbyterian Church of India (PCI) ruahmannain hmeichhe nemngheh chungchâng-ah inrân khâwmna huaihawt a ni. May ni 26 khân Kolasib Vênglaiah leh May ni 29 khân Sêrchhîp Kâwnpuiah huaihawt a ni baw. Heta ngaih dân hrang hrang hi PCI Gen. Assembly-ah ngaihtuah a ni ang.

SYNOD EXECUTIVE COMMITTEE VAWI 319-NA A ṬHU

June ni 2–4, 2026 khân Synod Executive Committee (SEC) vawi 319-na chu J.M. Lloyd Hall, Synod Office-ah a ṭhu. Ṭhut khâwm hi Rev. John Râldosânga, Synod Moderator-in a kaihrui a; Rev. B. Zohmangaiha, Synod Secretary-in report a pe a; Rev. Dr K. Lallâwmzuala, Finance Officer-in report a pe baw.

Secretary report-ah hian Pastor zir lehte leh zima hmuna awmte induction/ installation tuang taka neih a nih thu te, PCI 46th Biennial General Assembly tuang taka hman a nih thu te, Jordan Centre (Setḥâwn) tlawh a nih thu te, Synod Office leh Synod Office Annex Building-a lei (steel bridge) siam tûr chungchâng te, Synod Trust hnuaia building hrang hrang sak mēk report te, Synod Hospital panna kawng siam chungchâng te, MUHCS hman mēk chungchâng te, Central Region Missionary Retreat hman a nih thu te, Women's Ordination chungchâng consultation huaihawt a nih thu te, Synod hnuaia zima sikul hrang hrang report te, RC leh RL pēk chhuah dân te leh April 2025–March 2026 chhûnga Synod sum dinhmun te târ lan a ni.

Tûn ṭumah hian thurêl tûra chhawp chhuah 60 a awm a, chûng zîngah chuan Kristian Ṭhalai chanchinbu agent kum 10 ṭangte chawimawina pēk chungchâng leh chawimawina hming atân mi mal hming hman chungchâng te, Kolasib-a Counselling Centre hmun tûr lei rawtna te, India rama sakhaw zalēna a awm theih nâna hma lâk chungchâng te, sipai pastor-a lût an awm theih nâna buaipuitu siam chungchâng te, SMTC tihchangtlun dân tûr chungchâng te, Presbyterian Bible School inkaihhruiaina dân en ṭat chungchâng te, Jordan Centre (Setḥâwn) kalpui zêl dân tûr ruahmanna te leh Synod Press kalpui zêl dân tûr ruahmanna te a tel.

CENTRAL REGION MISSIONARY RETREAT VAWI 5-NA

May 28–31, 2026 khân Synod Mission Board buatsaih Central Region Missionary Retreat vawi 5-na chu Luangmual Kohhran Biak Inah ngah a ni a. Thupui, 'Phuarna leh hrehawmnain a hmuak che' (Tirh 20:23) tih chu Rev. Dr Rosiamliana Tochwang, Executive Secretary-in a sawi.

May ni 28 zâna vântlâng Pathian biak inkhâwmah Rev. John Râldosânga, Synod Moderator-in Keynote Address a sawi a. May ni 29 chhûnah paper pahni – Upa Dr C. Lalhrekima, Mission Vêng leh Rev. Dr K. Lalhuanawma, ATC-te ziah zir ho a ni a. May ni 30 chawhmaah rawngbâwl zêlna tûra thil pawimawh chi hrang hrang paper zir ho a ni a, chawhnuah Fakna Inkhâwm hman a ni.

Zirtâwpni zân, Inrinni zân, Pathianni chawhma leh chawhnuahte Speaker-in retreat thupui a sawi

a. Pathianni chawhnuah missionary, chatuan ram pan pakhat sùn a ni a; zânah Rev. R. Lalhmingânga, Synod Mission Board Secretary-in thuchah a sawi. Inkhâwm bân apiangin zaikhâwm ṭhin a ni baw.

Tûnah hian Synod Mission Board hnuaiah hian Region pathum – Central, North-East leh Home Mission a awm a, Missionary Retreat hi kum tin region inchhâwka buatsaih ṭhin a ni. Tûn ṭum retreat hmanṭu thawktute leh an chhûngte in-report zât chu mi 712 an ni.

SYNOD Newsletter**EDITORIAL STAFF**

Rev. P.B. Zosâpthara
Rev. Dr K. Lallâwmzuala
Upa F. Lalthlamuana
Lalremmawia

Editorial **KAN DO TLAT TUR**

June thla kan lo chuang kai leh ta.
 Synod Newsletter chhiartu zawng
 zawngte chibai ka bûk leh a che u.

Kohhran leh khawtlânga kan do
 tlat tûr chu sual hi a ni. Sual hi sawi
 fiah dâwn chuan a hnathawh lo lang
 chhuak aţang hian sawi fiah a awl
 thîn a. Thli thaw pawh hi thingbuk a
 chhêm chêt aţang hian hriat a awl
 thîn.

Kohhran chuan pân lam aţanga
 beihna aiin chhûng lam aţanga
 beihna hi a chhiatpui fo. Kohhran
 chhuahsan si lova, a inrêlbâwlina
 kawng hrang hrang sawihnâwma, a
 aia tha zâwk ni âwm tak buaipuia, a
 inenkawlina pal nâwk pâwng zawt
 zawt thînte hian kohhran an chaw
 buai thîn. Hêng mite hi kan do tlat a
 tûl a ni.

Kohhran leh khawtlângin hma-
 sâwnna tûr a ruahman hrang hrang
 lo sawisêl zung zung thînte hian an
 hmangaih vânga sawisêl an ni lo fo.
 Chutih laiin, kohhran leh khawtlânga
 inhmang tak, tha âwm tak anga lang,
 mahse, hmun fâla awm zo lo tlatte
 hian hêng rawngbâwlina hi an sual tih
 inphen nân an hmang duh viau baw.
 Sual haw lo, mualpho chauh hlau
 ringtute hi kan do renga, an thil sual
 tihte pawh zêppui loh hi a tûl a ni.

Pathian ram a zauhva, khawtlâng
 nuam leh zalên siam tûr chuan a
 chhûnga chêngte hian sual hi a huhu
 chauhva do lovin, chhûngkua leh mi
 mal pawhin theih tâwp chhuaha, tha
 thlah lova kan do renga a tûl a ni.
 Chutiang taka kan beih chuan
 Pathian min pêk ram zîm tê hi ram
 nuamah kan siam zêl dâwn a ni.

SYNOD CHHAWMDAHLNA

Tûn hnaia harsatna hrang hrang tâwkte hnênah Synod Relief Fund
 aţangin hetiang hian chhawmdâwlina pawisa pêk a ni:

<i>Khua</i>	<i>Pêk chhan</i>	<i>Chhûngkaw zât</i>	<i>Pêk zât</i>	<i>Khua</i>	<i>Pêk chhan</i>	<i>Chhûngkaw zât</i>	<i>Pêk zât</i>
Sialsûk leh				Sairâng Dinthar	In kâng & Damlo	2	22,000
Sialsûk Hmunchung	In chhia	9	1,22,000	Luangpâwn	Damlo	2	20,000
Bûngtlâng Bial	Harsatna tâwk	8	86,000	Hmunpui	In chhia	1	18,000
N. Chawnpui	Vânduaina tâwk	3	37,000	West Sêrâwl	Damlo	1	10,000
Pêrsâng	Damlo leh in chhia	2	30,000	Kawrtethawveng	Damlo	1	10,000
Chhîpphîr Kohhran	Lung rem chim siam thât nân		30,000	Sihthiang	Damlo	1	10,000
Chhîpphîr	In chhia	3	30,000	East Phailêng	Khawsak harsa	1	10,000
Sakawrtuichhûn North	Damlo leh			Tlângnuam Vêngthar	Damlo	1	10,000
	khawsak harsa	2	20,000	Lungtan	Damlo	1	10,000
Sêrchhîp Vêngchung	In chhia	1	15,000	Mission Vêng	Khawsak harsa	1	10,000
Tuipuibari	In chung chhia	1	15,000	Thingthelh	Damlo	1	10,000
Kaisanary	In chhia	1	15,000	Ramhlun Sports			
Hamsapara	Damlo	1	10,000	Complex	Vânduaina tâwk	1	50,000
Kolasib Project Vêng	Damlo	1	10,000	Durtlâng Vênghlun	Damlo	3	30,000
Vairêngte Hmâr Vêng	Damlo	1	10,000	Chhingchhîp			
Ramhlun North	Damlo	1	10,000	Vênghlun	Damlo	2	20,000
Selesih	In kâng	1	8,000	Vaitin Vêngthar	Damlo	1	10,000
Saikhawthlîr Vêngthar	Preaching Station, Sunday School Hall leh Choka chung			East Phailêng	Khawsak harsa	1	10,000
	leh bang chhia siam thât nân		40,000	Thenzâwl Hermon	Damlo	1	10,000
Chuhvêl	Damlo	3	30,000	Nunsuri	Damlo	1	10,000
Tuidam	Damlo	3	30,000	Phaizau	Damlo	2	20,000
				Phaizau Dinthar	Damlo	1	10,000
				Belh khâwm			8,58,000

FINANCE COMMITTEE A THU

May ni 13–14, 2026 khan J.M.
 Lloyd Hall, Synod Office-ah Synod
 Finance Committee wavi 158-na a thu.

Thut khâwm hi Rev. John
 Râldosânga, Synod Moderator-in a
 kaihrui a; Rev. Dr K. Lallâwmzuala,
 Finance Officer-in Secretary Report
 leh Finance Report a pe. Report-ah
 hian Synod Office leh department
 hrang hrang leh Mission Field-te
 audit hna tluang taka zawh a nih thu
 te, Bial leh kohhran hrang hrangah
 Finance Campaign leh Account
 Training buatsaih a nih thu te, ni
 8.5.2026-ah Bial Treasurer-te puala
 training buatsaih a nih thu te leh April
 2025–March 2026 chhûnga sum
 dinhmun te târ lan a ni.

Tûn tumah hian thu ngaihtuah
 tûra chhawp chhuah zîngah Re-
 served Fund dah chungchâng leh
 Synod Sum Vawn Dân 2020 en thât
 chungchâng a tel.

WORSHIP

Ni 8.5.2026 zân khân Zai Hruai
 Training pein Ramhlun Sports Com-
 plex Kohhranah Pu Benjamin Sailo,
 Music Instructor a kal.

PRESKOM BOARD A THU

Ni 8.5.2026 chawhma dâr 10
 khân J.M. Lloyd Hall, Synod Office-
 ah PRESCOM Board Committee
 wavi 184-na a thu.

Thut khâwm hi Rev. John Râldo-
 sânga, Synod Moderator-in a
 kaihrui a. Rev. Dr K. Lallâwmzuala,
 Executive Secretary a damloh
 avângin Upa Lalmuanpuia,
 PRESCOM Coordinator-in report a
 pe. Report-ah hian Synod Bookroom
 hawn hun leh khâr hun chungchâng
 te, Synod Press Building sak leh
 Synod Press kal dân tûr chungchâng
 te, Synod Bookroom software thar
 tlângzarh a nih thu te, ni 21.10.2025–
 7.5.2026 chhûnga lehkhabu chi
 hrang hrang 52 tihchhuah a nih thu
 te, Synod Bookroom hnathawh dân
 hrang hrang leh kum 2025–2026
 chhûnga PRESCOM sum dinhmun
 te târ lan a ni.

Tûn tum thut khâwmah hian
 thurêl tûra chhawp chhuah zîngah
 Synod Press kal zêl dân tûr chung-
 châng te, Pâwlrânga Synod Book-
 room Distribution Centre kâng
 chungchâng te a tel.

Râl Vêngtu

Râl Vêngtu chu Covid-19 hri-puiin khawtlâng a tihbuai laia au rinna hmanga an au ang mai khân thahnemngai takin a au va, "Khaih khaih khaih! Lo ngathla theuh rawh u khai!"

"Sâwma pakhat pêk chung-chângah a hmanna lam ngaihtuah buai lova kohhrana pêk mai hi a tha zâwk."

"Kohhran hunpui chauhva inkhâwm thînte ai chuan inkhâwm hun apianga inkhâwm thînte hian thlarau lam malsâwmna an dawng thînt."

"Kohhran leh rawngbâwltute, media lamah leh rem leh rem lova nasa taka beia sawisêltute hian thil hriat chian loh an nei a ni duh fo. Hetianga au au thînte hi lo bengkhawn duh vak suh u. Bêl ruak chu a ri ring duh teh a nia."

"Vawk hri lên lai khân pa pakhat chu a vawk pakhat a thi a, a vui nasa êm êm mai a. A chhan chu a piah lawka mi vawk vulh kha a thih ve loh vâng a lo ni a. Malsâwmna te hi, nangma dawn i chhiar thiam lohva mi dang malsâwmna dawn i thlîr tlat chuan i vui dur dur mai ang. I malsâwm dawn kha thlîr zâwk mai rawh."

Mite chuan, "Râl Vêngtu thu puan chuan awmzia a nei mang e," an ti sap sap a."

SYNOD HOSPITAL, DURTLÂNG THILPÊK DAWNTE (May 2026)

I. CHARITY FUND PETUTE

1. Pi Lalremi, Zêmbâwk North	5,000
2. Dr Lalmalsâwma Nghâka	
D-3 Business Enterprise	5,000
3. Pu Zodiniana, Mission Vêng	2,000
4. Pi Chawngchhîngi, Mission Vêng	1,000
5. Pu Victor Zothansânga	
Mission Vêng	1,000
6. Pu K. Lalrohluia Linda	
Tuithiang Vêngchhak	2,000
7. Hming thup	500
8. Pu J. Lalchungnunga, Sihmui	10,000
9. T.Upa Rualzakhûma, New Serchhip	1,000
10. Pu Lalţanpuia te chhûng, Leitan	2,000
11. Pu Pachhûnga, East Phailêng	500
12. Pi Lalţazuali, Bethlehem Vênglai	500
13. Hming thup	10,000
14. Pi Lalţazuali te thianho	
Bethlehem Vênglai	1,000
15. KTP, Nisapui Pastor Bial	7,000
16. New Sêrchhîp Kohhran Hmeichhia	5,000
17. Khawruhlian Vêngthar	
Kohhran Hmeichhia	5,000
18. Hortoki Kohhran Hmeichhia	2,000
19. Vaivakâwn Pastor Bial	
Kohhran Hmeichhia	20,000
20. Dârlâwn Vênglhun Pastor Bial	
Kohhran Hmeichhia	10,000
21. Zonuan Pastor Bial	
Kohhran Hmeichhia	10,000
22. Kâwnpui Pastor Bial	
Kohhran Hmeichhia	20,000
23. Thingsûlthliah Pastor Bial	
Kohhran Hmeichhia	10,000
24. Lêngpui Pastor Bial	
Kohhran Hmeichhia	10,000
25. Khatla Pastor Bial	
Kohhran Hmeichhia	50,000
26. Phûllên Vêngthar Pastor Bial	
Kohhran Hmeichhia	5,000
27. East Phailêng Pastor Bial	
Kohhran Hmeichhia	20,000
28. Zuangtui Pastor Bial	
Kohhran Hmeichhia	20,000

29. Biate Vênglai Kohhran Pavalai Pâwl	5,000
30. Phuaibuang Pastor Bial KPP	5,000
31. Airfield Vêngthar Pastor Bial KPP	10,000
32. Aibâwk Pastor Bial KPP	10,000
33. Lungdai Kohhran	3,000
34. Khatla Pharmacy	2,000
Belh khâwm	2,70,500

II. THISEN PETUTE

	Unit zât
1. KTP, Zêmbâwk Branch	17
2. KTP, Khatla South Branch	49
3. KTP, Rângvumual Branch	10
4. KTP, Nursery Pastor Bial	57
5. KTP, Maubâwk Pastor Bial	62
6. Durtlâng Higher Secondary School	16
Belh khâwm	150

III. THIL DANG PETUTE

1. Pi Lalţanzâmi (L) vahte, Armed Vêng – Pi Pui In chung tân suction machine leh damdawi thahnem tak.
2. Pu C. Thansângtuala Sailo leh a chhûngte, Pâwlrâng – Damdawi râwt sawmna 18.
3. KTP, Zohmun Pastor Bial – Grace Home tân ₹5,000/-
4. KTP, Teikhang Pastor Bial – Hmunphiah thahnem tak.
5. Teikhang Kohhran Hmeichhia – Hmunphiah thahnem tak.
6. Marpara North Pastor Bial Kohhran Hmeichhia – Hmunphiah 36.
7. Pâwlrâng Kohhran Pavalai Pâwl – Hmunphiah 206.
8. A.M. Surgical, Guwahati – Damlote thutna tûr sofa, ₹2,06,200/- man hu.

LAWM THU SAWINA: Hospital mamawh chi hrang hrang petute chungah kan Lalpa Isua Krista hmingin lâwm thu kan sawi a. A lêt tam takin Pathian malsâwmna lo dawng zêl ang che u. Thil pe duh tân Director (94361 41739) leh Nursing Superintendent (94361 52751)-te hnênah eng lai pawhin inhriattîr theih a ni e.

Rev. R. Lalvulluaia
Chaplain Sr, Synod Hospital, Durtlâng

LAY LEADERS TRAINING: Synod Multipurpose Training Centre (SMTC) chuan May ni 25–29, 2026 khân Lay Leaders Training vawî 237-na a buatsaih. Tûn tumah hian Presbytery 15 – Aizâwl Central, Aizâwl Hmâr, Aizâwl Hmârçhhak, Bairabi, Champhai South, Chhawrpial, Chhimchhak, Chhimphai, Chhimthlang, Dampa, Hmârphei, Lunglei West, Tawi, Tuichânglân South leh Tuivai aţangin Kohhran Upa 48 an tel a ni.

KOHHRAN HMEICHHIA: May ni 16–17, 2026 khân Leadership Training leh Kristian Chhûngkaw Campaign hmanpuiin Central Kohhran Hmeichhe hruiatute hetiang hian an chhuak: *Hortoki Bialah* Pi Zohmingliani, Finance Secretary leh Pi Lalramngaii, Committee Member; *W. Phailêng Bialah* Pi Vânlalhuni, Treasurer leh Pi H. Lalţhasiami, Committee Member.

MSSU: Hetiang hian Sunday School zirtîrtu training pein trainer-te an chhuak: Ni 16.5.2026 khân *Tuithaphai Presbytery-ah* Upa Lalţahluna Râlte leh Upa K. Zoremsânga, leh *Lawngtlai Chanmari Bialah* Upa Lalthanchhûnga leh Upa Isak Zârzo-liana Chhangte. Ni 5.6.2026 zân khân *Armed Vêng North Kohhranah* Upa C. Lalbiaksânga, Upa Lalrinawma Râlte leh Upa Dr H.P. Lalropuia.

BIAL TREASURER PUAL TRAINING

Ni 8.5.2026 khân Mizoram Presbyterian Kohhran hnuai Bial Treasurer pual training, Mission Vêngthlang Kohhran Golden Jubilee Hall-ah buatsaih a ni a, Bial hrang hrang aṭangin Bial Treasurer 115 an kal.

Training hi hun hnihah then a ni a. Hun khatna chu Upa F. Lalhman-gaiha, Finance Manager, Synod Office-in a kaihrui a; Rev. V.L. Luaia Hranleh, Senior Executive Secretary i/c Finance-in hunserh hmangin, Synod sum vawn chungchâng Bial Treasurer-te mawhphurhna hrang hrang leh fuihna thu a sawi a. Pu Zaihmingthanga Fânai, Accountant-in power point hmangin Synod sum vawn dân leh a kaihnawih chungchâng training a pe baw. Chawhnu lamah Upa Kailianmânga, Income Tax lama Synod puituin tûnlai thil thar leh MPC PAN hman dân chungchâng a sawi thung.

Chawhma leh chawhnuah hian sawi hona leh, zawhna leh chhânna hun hman a ni baw. Hun tâwpah Rev. John Râldosânga, Synod Moderator-in lâwm thu a sawi a, ṭawngṭaiin training hi a khâr a ni. Tûn ṭuma Bial Treasurer pual training hi a ṭum lina a ni a, training-ah hian Bial sum vawngtute tâna ṭangkai tûr leh hriat tûr pawimawh hrang hrang mi thiamten an zirtîr ṭhîn a ni.

PES

Ni 22.5.2026 khân PES chuan J.M. Lloyd Hall, Synod Office-ah PES hnuai HSLC 2026 result ṭha a lawm. PES pass percentage hi 94.01% a ni.

Ni 26.5.2026 khân Upa P.C. Vânlalhruaia, SoS leh Upa Lalthanzâma, PES Sub-Committee Member-ten Keifâng PES-ah HSLC Result 2026 Felicitation Programme an hmanpui a; ni 21.5.2026-a Ruallung PES Building kâng chu a hmunah an en baw. Chumi zawhah Mualphêng PES leh Rûlchâwm PES-te tlawhin, Managing Board Chairman leh thawk-tute nê an inkâwm ho.

Ni 2.6.2026 khân Hualtu PES tlawhin Upa P.C. Vânlalhruaia, Supervisor of Schools leh Rev. Malsâwmdawngliana, PES Committee Member-te an kal.

INTERNATIONAL NURSES DAY HMANG

College of Nursing, Synod Hospital, Durtlâng chuan May ni 12, 2026 khân Multipurpose Hall, College of Nursing-ah International Nurses Day a hmang.

He hunah hian Pi RC Lalrêngpuii, Principal, College of Nursing-in kumin Nurses Day thupui, 'Our Nurses. Our Future. Empowered Nurses Save Lives' tih hmangin thu a sawi a. Pi Marêngi chuan nurse-te chu hrisêlna kawnga inngahna bulpui ber an nih thu leh khawtlâng hrisêlna humhalhna kawngah an pawimawhzia a târ lang a. Khawvêl damlo enkawlina sum tam tak humhimtu an nih thu sawiin, nurse hna chu sumdâwnna a nih loh thu a sawi baw.

Dr Lalnunnêmi, Medical Superintendent, Synod Hospital pawhin Florence Nightingale-i nun aṭanga zir tûr tam tak a awm thu leh nurse hna chu rawngbâwlina thianghlim a nih thu a sawi a. Nurse zir lai kal khâwmte chu rinawmna, taimâkna leh lainatna nêna an hnathawhnaa ding ṭlat tûr in a fuih a ni. He hunah hian zirlaiten item chi hrang hrang an entîr baw.

Nurses Day hi khawvêla nurse hmasa leh entawn tlâk Florence Nightingale-i pian champhaphâk (May ni 12) pualin kum tin khawvêl pumah hman ṭhîn a ni.

TRUST

Ni 11.5.2026 khân Khawlailung leh Sêrchhîp Pastor Quarters sak ṭhar tûr enpuiin Pu Lalhriatrenga, JE leh Tv. V. Lalhlimpuia, JE-te an kal.

May ni 28–29, 2026 khân Lunglei Synod House sak mêk leh Book-room repair mêk enpui tûr leh Lunglei, Haulawng leh Sêrchhîp Pastor Quarters en fel tûr in Upa Thangliankhûma, AE; Pu Lalhriatrenga, JE leh Tv. V. Lalhlimpuia, JE-te an kal baw.

SHSS-IN FELICITATION HMANG

Ni 22.5.2026 khân SHSS Multipurpose Hall, Mission Vêngthlangah SHSS chuan HSLC & HSSLC (Science & Arts) Exam, 2026-a tiṭhate lawmpuina (Felicitation) hun a hmang a. Hetah hian Rev. Dr Rosiamliana Tochwawng, Executive Secretary i/c Education, Mizoram Synod chu khual lian a ni.

TIHDIKNA: Kumin Puitling Sunday School zirlai 20-na, phêk 119-na Endnotes no. 2-naa Treaty of Lubeck ziah kum hi 1629 tih zâwk tûr a ni a; no. 8-naa 1927 tih pawh hi 1527 tih zâwk tûr a ni e.

SOCIAL FRONT

Ni 17.5.2026 khân Youth For Christ, Ramthar North Kohhranah HIV leh Ruihhlo Do chungchâng Awareness Campaign hmanpuiin Pu Alan Lalmuanpuia, campaigner a kal a. Hemi ni vêk hian Salem Vêng Kohhranah HIV leh Ruihhlo Do chungchâng awareness campaign hmanpuiin Upa Dr J. Lalramchhuanga, campaigner a kal baw.

Ni 31.5.2026 khân Tuikual South Kohhranah HIV/AIDS chungchâng Awareness Campaign hmanpuiin Upa Lallianmawia, Campaigner a kal a. Hemi ni vêk hian Zotlâng Kohhranah Ruihhlo Do & HIV/AIDS Awareness Campaign hmanpuiin Pu Alan Lalmuanpuia, Campaigner a kal baw.

Ni 7.6.2026 khân Zotlâng Kohhranah Ruihhlo Do & HIV/AIDS Awareness Campaign hmanpuiin Pu Alan Lalmuanpuia, Campaigner a kal.

CAMPUS MINISTRY

May ni 6–8, 2026 khân Gospel Week hmanpuiin Lêngte Secondary School-ah Rev. Johnny Lalremfela, Director leh resource person-te – Upa Lallianmawia, Rev. H. Lalbiakhluna leh Upa Lalnunsiamia Khâlthangte an kal. Gospel Week-ah hian zirlaite bâkah, nu leh pate leh zirtîrtute nê an inkawm a ni.

Ni 8.5.2026 khân Presbyterian English School, Republic Vêngah Gospel Week hman a ni baw a. Resource person-te – Pu C. John Saipârliana leh Tv. Lalrinmawia-te an kal. Zirlai naupangte hi Nursery–Class X an nih avângin hmun hnihah thenin, a hranga zirtîr an ni.

Ni 18.5.2026 khân St Anthony's Higher Secondary School-ah Cancer Awareness programme hman a ni a. Japan International Cooperative Agency (JICA) project aṭanga mi thiam – Keiko Nagai, International Expert in Health Promotion, Dr Gonxha Lalruatfeli, Local Expert in Health Promotion leh Puipuii Hmâr, Local Project Coordinator-ten hun an hmang.